

REGIONAL NEWS BULLETIN

HEADLINES (EVENING)

1. **Union Minister of State for Tribal Affairs Durgadas Uikey-an vawiin khan Mamit a tlawh.**
2. **Mizoram State Election Commission chuan vawiin khan Village Council leh Local Council inthlanna neih tur atan Final Electoral Roll a tichhuak.**
3. **Vawiin khan Pravasi Bharatiya Divas vawi 18-na Odisha-a Bhubaneswar-ah External Affairs Minsiter S.Jaishankar hoin hman a ni.**
4. **Rampumah a ruala inthlan neihna tur One Nation One Election bill pahnih zirhona tura din Joint Parliamentary Committee chu vawiin khan a vawikhat nan New Delhi-ah an thukhawm.**

<><><>

UNION MOS VISIT

Union Minister of State for Tribal Affairs Durgadas Uikey-an Mamit tlawhin, Department hrang hrang official-te a thutkhawm pui a.

Union Minister chuan Aspirational District, Mamit District chhunga hmalakna hrang hrangte a taka hnathawh a nih leh nih loh enfiaha tlawh a nih thu a sawi a, Prime Minister-in tlangrama chengte hmasawanna chu a ngaihpaawimawh a nih angin hmasawanna tura scheme hrang hrang duante chu a hlawhtlinna turin a kaltlang Department Official-te chuan ngaihtuahna tak tak an sen a tul a, scheme hlawhtlinna chu an kuta inngat a ni tih hre thar turin a chah.

A bikin Education leh Health Sector hnuai hmalaknate chu hmasawanna hna kala pawimawh tak a nih avangin a chhawrtu mipuite chawikang ngei tura theihtawpchuah a tul takzet a ti. Aspirational hnuai line Department hrang hrangte hmalakna, hmachhawp leh harsatna awmte a ngaihtlak sak bawh a ni.

District Bawrsap Pu K. Lalawmlova chuan Mamit District dinmun hrang hrang tarlangin Mamit District chhungah mihring 101290 an awm a, a zauzawng hi 3025 sq.m a ni. Chenna In 20902 awmin literacy rate hi zaa 84.93 a ni bawh.

Aspirational District hnuai hmalakna-ah tehfung hrang hranga tehna-ah Mamit District-in dinmun tha tak tak a lo hauh tawh a, hemi avang hian NITI Aayog atangin cheng vbc 19 lai dawn a ni a, ranking hnukung berah 5-na an hauh mek thu a tarlang bawh.

Vawiin vek hian Tribal Affairs Minister hian DC Conference Hall-ah Mamit District chhunga hnam hrang hrang aiawhte kawmin, an mamawh leh harsatna an thlente a ngaihtlak sak bawh a ni.

Pu Durgadas Uikey hian Common Service Centre, Mamit Charkawn, Anganwadi Centre - I, Mamit Bazar veng leh Mamit College-te an dinhmun zirchiangin a hmunah a tlawh a ni.

<><><>

RD MINISTER

Rural Development Minister Prof. Lalnilawma hovin Mizoram State Rural Livelihoods Mission (MzSRLM) hnuaiia DDU-GKY chungchangah Project Implementing Agency (PIA) hrang hrangte nen Review Meeting neih ani a, he Review meeting ah hian hmalak leh zel dan tur te ngaihtuah tel nghal a ni.

DDU-GKY hi Ministry of Rural Development Department hnuaiia Skills Development project niin, thingtlanga cheng thalai kum 18-35 inkar ten eizawna ngelnghet an neih theihna turin themthiamna training pek an ni. Heng Skills Development atan hian training pe turin PIA te hmangin trade hrang hrangah training pek thin an ni.

MzSRLM CEO Pi Zosangzuali Pachuau chuan DDU-GKY hnuaiia nasa takin hmalak a ni a, COVID-19 in nasa takin program kal lai a nghawng chungin tun dinhmun a hlawhtlinna tam tak an hmu a ti a. PIA te pawh DDU-GKY 2.0 prog hawn a nih hunah pawh thawhhopuia a sawm nghal a ni.

State Mission Manager, Pu Lalvensanga tarlan danin tun dinhmun ah DDU-GKY hnuaiia thingtlanga cheng thalai mi 2892 training pek tawh niin, mi 1788-in India ram hmun hrang hrangah leh India ram pawnah te hial pawh hna an hmu tawhin an thawk mek bawk a ni. DDUGKY hnuaiia training theihte chu Airline Cabin Crew, Food & Beverage Service Assistant, Domestic Data entry Operator (DEO), Retail Sales Associates, House Keeping Trainee leh a dang te a ni.

<><><>

VC/LC E ROLL

Mizoram State Election Commission chuan vawiin khan Village Council leh Local Council inthlanna neih tur atan Final Electoral Roll a tichhuak a, District pakua-a District Election Officer/District Municipal Election Officer ten an tlangzarh.

Village Council inthlanna hi District pakua - Aizawl, Luglei, Serchhip, Champhai, Mamit, Kolasib, Saitualhi neih a ni dawn a. Kumin January ni 1 thlenga vote nei theite, bakah paih ngai leh siamthat ngai te siamthat anih hnuah Voter 437708 awmin, mipa 215610 leh hmeichhia 222098 an awm a ni.

Local Council inthlan ngaihna Local Council AMC leh LMC – ah te Local Council 111 awmin Municipal hnuaiia Local Council hmun hniha inthlanna neih turah voter mipa 132667 leh hmeichhia 153265 awmin a vaiin vote nei mi 285932 an awm a ni.

<><><>

SUPPLY MINISTER

Food Civil Supply & Consumers Affairs Minister Pu B.Lalchhanzova chuan mirethei leh harsa zawk ten an chanvo tur diktak an chana, mahni chanvotur nilo changte tihtawp chu Sorkarin a ngaipawimawh hle tih sawiin, hei vang hian Ration Card siamthat leh siamrem pawh kalpui a ni a ti.

Vawiin khan Vathuampuia YMA Branch kum 50 tlin lawmna YMA Hall, Vathuampui ah a hmanpui a, thusawiin Revenue changtu Minister chuan Revenue Department chu awmzenei zawka kalturin siamrem mek a nih thu a sawia, Ram leh Inhmun pass te tunlai thiamna hmangin chhinchhiah mek a ni a, Revenue Department chu Online hmanga dawr theih tur leh mimal document pawimawhte mahni a Online-a haichhuah theih maiturin dah tummek a ni, a ti bawk.

Vathuampui Branch YMA Golden Jubilee lawmna ah hian Central YMA a Fin. Secretary Pu M.S Ralte pawhin thusawiin Raltlante chu YMA in a thlahthlam dawnlo a ti a, Raltlante chuan an awmna khawtlang leh kohhran ziate zirchianga an mahni insiamrem zung zung turin a chah a, khua leh tuiten chanvo kan neih angte erawh beisei rihlo turin a chah bawk.

<><><>

CYBER CRIME

Mizoram Police CID crime hnuiaia cybercrime PS report danin nikum July thla leh December inkarah criminal complain ziahluh 8 leh FIR thehluh 15 a awm.

Thawktute sawi danin, criminal case ziahluh te hi mi puh hmingchhiat a ni tlangpui a, FIR thehluh te hi - siamtute remtihna lova video tih chhuah, internet kaltlanga sum hmanga inbumna leh mipat hmeichhiatna lam kaihnauih inbumna te a nih tlangpui thu an sawi bawk.

Heng bakah hian National Cybercrime Reporting Portal (NCRP) ah case 250 chuang ziahluh niin enquiry 200 chuang ziah a nih thu an sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar hi puan leh a ni ang.

<><><>

MPSC

Mizoram Public Service Commission (MPSC) in tunhnaia H&FW Department hnuiaia Entomologist hna lakna a kalpui dan chungchangah MPSC a thawktute leh Mizo Zirlai Pawl (MZP) General Hqrs. Hruaitute MPSC Office-ah an inkawm a.

MZP hian MPSC-in Entomologist hna a lak dan leh Veterinary Asst. Surgeon hna a lak dan hi chhui chiang a, a tul anga hma la turin Sawrkar a ngen a, hemi bawhuina kalzelah hian vawiin khan Boruak tha tak hnuiaiah an inkawm a, Entomologist lak dan chungchang te an inhrilhfiyah a, MPSC leh MZP hian hun lo kal zel turah thawhhona tha tak nen inpawh taka hmalak ho

zel tha an ti tlang a, MPSC zahawmna humhim a nih zel theih nan leh tha taka a kal theih nan thawhdun zel nise an ti bawk.

He hunah hian MPSC Secretary Dr.H.Lianzela hovin MPSC official 6 an tel a, MZP lam aiawhin an President, Pu H. Lalthianghlina hovin OB mi 4 leh Adviser te an tel a, MZP hian he thil chungchanga MPSC dinna leh an thil kapui dan chu sawihp leh an tum ni a thudawn a ni.

<><><>

PRAVASI BHARATIYA DIVAS

Vawiin khan Pravasi Bharatiya Divas vawi 18-na Odisha-a Bhubaneswar-ah External Affairs Minsiter S.Jaishankar hoin hman a ni. Thusawiin Pu Jaishankar-a chuan thalaite chu India hmasawmna chhan pawimawh tak pakhat an ni a ti a. Idnia chuan hun rei tak a lo nghah tawh tunlai khawvel mil, mitin huap leh hmasawmna kawnga harsatna awmte a su kaw chho mek a ti a. Prime Minister Narendra Modia sawi fo angin he zinkawngah hian ke pahnih pawimawh tak tak tunlai thiamna technology leh kalphung nghet neihsa tradition hmangin ke pen mek a ni a ti a. Ramin a hmachhawp a hlawhtlin theih nan thalaite chuan tihtheih tam tak an nei a ni a ti bawk. Pravasi Divas hi rampawna eizawmna leh thildang avanga khawsa India mite tana hun buatsaih a ni a. Ni thum chung neih tur niin Union Ministry of Youth Affairs and Sports leh Odisha sawrkar ten an buatsaih a ni.

<><><>

ONE NATION ONE ELECTION

Rampumah a ruala inthlan neihna tur One Nation One Election bill pahnih enfiah tura din Joint Parliamentary Committee chu vawiin khan a vawikhat nan New Delhi-ah an thukhawm a. Heng bill pahnih hi a hmingah Constitution (One Hundred and Twenty-Ninth Amendment) Bill,2024 leh Union Territories Laws (Amendment) Bill,2024 te an ni a. Committee Chairperson BJP MP, PP Chaudhary chuan an hmalakna turah hian kil tin atangin a kaihnawih zawng zawngte thu leh hla an ngaithla vek dawn a ti a. Dan lama mithiamte, civil society hruaitute leh political party thlengin an thu an ngaithla ang a ti.

Vawiin thutkhawmah hian Union Ministry of Law and Justice (Legislative Department) hotuten membrete hi dan thar ruahmanna hrang hrang an hrilhfiah a ni. Joint Parliamentary Committee ah hian member 39 awmin Lok Sabha atangin mi 27 leh Rajya Sabha atangin mi 12 an awm a ni.

<><><>